


四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編



齊魯書社

四庫全書存目叢書

子部
第二四五冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EP56/05

四庫全書存目叢書·子部二四五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 1/16 開本 46 印張

1995 年 9 月第 1 版 1995 年 9 月第 1 次印刷

印 100

ISBN 7-5333-0478-0

Z·27 子部定價：78300 圓

子部第二四五冊目次

子部·小說家類

明語林十四卷補遺一卷

〔清〕吳肅公撰
北京大學圖書館藏清光緒巴陵方氏廣東刻宣統元年印碧琳琅館叢書本

一

今世說八卷

〔清〕王晔撰
中央民族大學圖書館藏清道光緒間南海伍氏刻粵雅堂叢書本

九九

隴蜀餘聞一卷

〔清〕王士禛撰
私藏清康熙王氏家刻後印本

一六六

皇華紀聞四卷

〔清〕王士禛撰
私藏清康熙王氏家刻後印本

一八二

漢世說□□卷(存卷九卷十八卷十九卷二十一卷三十一)

〔清〕章撫功輯
中國科學院圖書館藏清七硯書堂鈔本

二四一

過庭紀餘三卷

〔清〕陶越撰
南京圖書館藏清鈔本

二六六

山海經釋義十八卷圖一卷

〔明〕王崇慶撰
清華大學圖書館藏明萬曆大業堂刻本

三一六

幽怪錄四卷續幽怪錄一卷

〔唐〕牛僧孺撰 續〔唐〕李復言撰
北京圖書館藏明書林陳應翔刻本

四六一

續幽怪錄四卷

〔唐〕李復言撰
北京圖書館藏宋臨安府太廟前尹家書籍鋪刻本

五三一

集異志二卷

〔唐〕陸勣撰
上海圖書館藏明鈔本

五六二

劍俠傳四卷附錄一卷

不著撰者
北京圖書館藏明隆慶三年履謙子刻本

五八五

錄異記八卷

〔前蜀〕杜光庭撰
北京圖書館藏明鈔本

六二四

括異志十卷

〔宋〕張師正撰
南京圖書館藏明鈔本

六六一

明語林十四卷補遺一卷

〔清〕吳肅公撰

北京大學圖書館藏清光緒巴陵方氏廣東

刻宣統元年印碧琳琅館叢書本

附《四庫全書總目·明語林十

四卷》提要

自序

予弱冠就讀明書逢人丐貨謬不自揆思有補於世者
備一代之遺雅不欲編蒲葺柳爲多爰也披覽之下會
有實心間標識而劄記之擬爲語林一書稍稍成帙矣
然亦或錄或遺既窮餽廢曩昔之志百無一成卽茲
編卧麓中二十餘年業已毀蝕聽之新安友人仲喬與
可見而慨焉欲授剞劂予遲迴久之以貧筭枵腸掛一
漏萬而又蛙守里巷四方博雅無從校覈況向所采諸
籍已經放散卽缺略何由補訛謬何由勘哉仲喬與可

明語林 自序

碧琳琅館叢書

曰先生固有言矣義慶之後患無孝標元朗之後患無
元美乎蒲柳之茸庸知非史學所存耶乃予竊自笑往
者撰著之爲虛願而多爰者猶有足存乎夫家無二酉
之藏居無同志之友卽才智企古人而輕言纂輯益難
之矣況以余之庸庸閭劣者乎抑是編也尤有嫌者時
易勢殊風會各別嘉言懿蹟有古今不相侔者何妨更
置門彙而斤斤局已成之目爲哉然而不及革矣又官
字諡號無定例也隨所記憶補署其名大書分注先後
互異總以貧不能副墨倉卒錄板未暇畫一云辛酉秋

日晴巖氏肅公題

明語林 自序

碧琳瑯館叢書

明語林凡例

劉氏世說事取高超言求簡遠蓋典午之流風清談之故習書圖宜然至有明之世迥異前軌文獻攸歸取徵後代茲所採摭可用效顰亦使後人考風不猷詞林博雅

劉氏何氏皆首四科然徵文述事則膾炙之助多勸懲之義少門彙已銓無庸更定優者不憚廣收劣者惟取備戒簡賾不侔或相什伯蓋亦善長惡短之義如任誕簡傲世每不察舉為雅談鄭衛不刪觀者宜辨

明語林 凡例

碧琳瑯館叢書

狂士竹林希踪于沂浴荒主宸居托韵于玄風君子固已致歎乃若輔嗣平叔蔚為莊易之宗支遁法深高標梵竺之戶聞木樨香而謬謂無隱之指悟服五石散而幸發開朗之神明異說詭趨譌種眩道吾徒著述曷敢不慎

世說清新詞多創獲雖屬臨川雅構半庀原史雋材明書冗蔓幾等稗家若名世彙苑玉堂叢語見聞錄等書踵襲譜狀殊失體裁茲所修葺略任愚衷雖不盡雅馴亦去太甚

晉書說環半類俳諧劉知幾氏謂非實錄唐藝文志列之說家卽新語不無遺議予茲所採名集碑版要于信能羽翼若野史互紛不免毀譽任臆是非任目或好譽而誕或溢美而誣謬參稽疑誤必缺

明史諸書取資治理偉略雖詳而節善無取朝臣悉載而幽士難收是編實史籍餘珍門徑稍寬尺度殊短卽事優而冗難以悉入理言韵致代不數人人不數端見間寡陋多所挂遺以俟後人折衷有如元美之于元朗鄙人滋幸

明語林凡例

二 碧琳瑯館叢書

名臣巨儒多稱爵諡單門介士直舉姓名履歷不能具詳系里因文偶見至異同疏解代年先後俱未遑及媿予非義慶庸患世無孝標

康熙壬寅吳肅公識

明語林目錄

卷一

德行上

卷二

德行下

言語

卷三

政事

文學

卷四

言志

方正

卷五

雅量

識鑒

卷六

賞譽

品藻

卷七

箴規

棲逸

卷八

捷悟

博識

卷九

豪爽

明語林目錄

一 碧琳瑯館叢書

夙惠

賢媛

容止

自新

卷十

術解

巧藝

企羨

卷十一

寵禮

傷逝

任誕

簡傲

排調

卷十二

輕詆

假譎

黜免

明語林 目錄

二 碧琳瑯館叢書

儉嗇

侈汰

忿狷

卷十三

讒險

尤悔

紕陋

惑溺

卷十四

仇隙

補遺

德行

劉仁宅是忠宣父以楊文定舉爲御史文定歸里還朝道華容便相造見忠宣方幼問汝父安在對曰在道中曰母安在曰隣家治麪文定起徧視家所有遂援忠宣達寢所見牀上惟蒲席布被喜曰所操若此不負御史嚴文靖諱構一樓既成而落之縱酒宴客四顧惘然若不豫色者客徵之乃曰吾不察上棟直東隣是隣代我受禍也亟更之使東向而南北其棟直

明語林 補遺

一 碧琳瑯館叢書

劉憲副廷梅聘婦胡氏委禽而有父之喪母請恭人趣從俗成婚廷梅不可母曰吾憊憊不能奉若祖父母誰代吾饋者胡翁聞而遣女于歸公謝弗成亟已以孤而執喪胡以女而主饋養王舅姑焉

政嚴文靖語其子曰吾才小弱而慈不稱大任所不媿者吏部一官能使長安金賤而士貴其縉紳不四顧而有憾于昂穴

周萊峯思兼知平度州巡行阡陌不從輿隸屢縛一藍盪置飯一盂其上令鄉民以次舁舁行民懼呼迎曰吾

父來

言志

章楓山以僉事福建考績赴部遂疏致政家宰慰留之日不罷軟不貪酷不老病如何可退楓山矢口云古人正色立朝某之罷軟多矣古人一介不取某貪多矣古人視民如傷某酷多矣年未艾而早斑亦老疾矣

麻孟璇三衡幼孤祖母徐安人嚴頗朴笞之家人笑問譬知痛否答曰使痛與膚習吾異日好作楊繼盛受廷杖耳

明語林

補遺

方正

徐華陽元太以考功郎知貢舉江陵欲並中其二子同考官互相譏諷爲奇貨一子卷落公房竟塗抹之江陵怒謫公太安已江陵疾遣子嗣修禱于太山巡撫檄公治具陪往公書報曰是役也子爲父禱非臣爲君禱也殺不肯往謂人曰曾謂太山不如林放乎

高江尹新城數以亢直忤稅監中官盧受嘗具之會雪而寒命索衣受出貂裘衣之衣至解還受欲因以贈江笑曰子思不受狐白于子方吾賢不及子思而君裘美

喻子方吾何敢受受姪旁強之遽拂衣起

張司空守道居官無岸異而未嘗濡染權倖崔呈秀投

刺來詣謝弗與通矚亡往蒼泊遷南太常南中方營建瑞祠督監某招搖諸大紳致其報謁入祠多聲折俯拜司空又矚亡弗入遇諸塗叱與人迂道避去

吳舍人懷賢與傅應星同官以應星爲魏璫甥尤不爲禮楊忠烈劾璫二十四大罪懷賢擊節稱賞繕稿而旁識之曰空如韓魏公治任守忠卽時安置遂以誹謗坐楊左獄論死

明語林

補遺

雅量

陸貞山衆將劾張桂夜草疏而鬼哭于庭貞山叱曰非二氏家鬼耶何自阻我草具亟上之

識鑒

曾襄愍銑復套之策朝廷大加褒賞議在必行王公以旂爲本兵亦以爲便時余德甫日德客于王公公密咨之德甫曰吾聞茲事實夏相主之夏相驕嚴相險而相爲敵曾公且不自保何暇成功名乎

容止

趙參議承謙長七尺餘虬髯軒鼻少爲諸生里舍兒已目屬之而辭貌嚴冷不軌骸傳人意間有所不可目光怒射面須蜩張且語且咤稍已則理髮懼然亡雷帶

排調

李西涯在翰院教習庶嘗頗事諧謔出句曰庭前花未放眾易之各對皆弗稱因曰何不言閣下李先生

明語林

補遺

四

碧琳瑯館叢書

明語林卷一

宣城吳肅公兩若甫集

新安吳拱岳仲喬校閱

德行上

上嘗欲以吳公時舊內賜徐武盛武盛辭一日侍飲上强之醉命內侍送居舊內中夜酒醒問何處內侍曰舊內也大驚卽起趨丹陛北面稽首而出

至正間斷黃寇犯龍泉章三益從子存仁爲賊所得

公以兄止一子不可亡後出語賊曰幼兒無知願以身

明語林卷一 德行

碧琳瑯館叢書

代賊方購公遂大喜因就問計公正色拒之賊怒繫公

刃磨其脇逼之降公卒不屈已間得脫

朱備萬善謫遼陽放歸買一區爲終老計方往經營聞

主人貧無依惻然憫之竟以券還不復問直人以爲與

蘇長公同

徐中山北定中原市不易肆以兵千人守元故宮使宦

寺護其宮人嬪妃給餼廩如故

唐侍讀之淳父應奉肅請死臨濠侍讀求其遺文雖荒

郵敗壁高崖斷石靡不搜訪纂錄時時伏讀聲淚淒咽

聞者掩涕

胡惟庸既敗有詔鄭提交通者吏捕之急提諸兄爭欲行提曰弟在忍使諸兄罹刑辟耶獨詣吏請行其伯兄濂先有事京師迎謂之曰吾家長當任罪提曰兄老矣吾往辨之二人爭入獄上聞俱召至廷慰勞之謂近臣曰有人如此而肯從人爲非耶詔賜饌授之官

徽人程平謫戍延安其孫通上書言臣壯無父祖猶父也臣祖老無子孫猶子也更相爲命今邊徼戍卒如林豈少臣祖者辭極哀楚上密召平至立通塔下東西向

明語林卷一 德行

碧琳瑯館叢書

顧謂通曰識若人乎祖孫相持泣哽咽不能仰視上嗟嘆良久除其籍驛送還鄉後通爲遼府紀善卒通免歸廬墓三年

劉謹父戍雲南謹六歲輒知痛父一日問家人曰雲南何許家人以西南指之朝夕向西南遙拜

祥符上鐸母歿葬鳴鳳山原泣曰鐸生咫尺不離膝下今逝矣委親魄於荒原乎乃結廬墓側朝夕上食如生時當冷夜月黑悲風蕭颯輒繞墓悲號曰鐸在此鐸在此虎聞哭聲輒避去

宋公訥爲祭酒時行言並教鑪燹不遺餘力寢食學廂不復家宿及疾革監官請還公厲聲曰是何風雲氣少兒女情多況在丁社兩祭齋戒中耶

主事常允恭杜環父執友允恭客死家破母老無依念金陵多故人庶幾一遇往得杜氏所在而環父亦前死天方霖雨母敝衣沾濡踰蹕入門環見驚泣呼妻子出拜更衣食之母問子兒平生所厚皆安在子幼子遠不可至也環知他無足倚慰撫之曰卽無人環在也而母視環家貧固欲他訪環令媵女從之果無所遇環購帛

明語林卷一 德行

碧琳瑯館叢書

製衣衾家人以下咸母事之十年罔勸會環以禮卹祠會稽道遇其幼子伯章環泣語之伯章逾時一省而去母竟死環家死時舉手向環曰累君累君願君生子孫類君仁德勿營環爲殯葬歲時致祭環仕終太常丞劉司業崧初舉鄉試捷至適自田中摘栗歸悵然泣下曰柰二親何居官不以妻子自隨孤燈夜讀五更衣冠起坐待旦以爲常

吳琳致仕家居朝廷嘗遣使察之使者潛至其旁舍見一農人孤坐小几起拔稻秧徐布田間貌甚端謹使者

乃問曰此有吳尚書何在農人斂手對曰琳是也使者還以狀聞上益重之

寧海人王敏夜讀空舍中有鄰女叩門求宿同舍友欲內之敏不可拒門疾呼使聞於外女愧謝屏息遂逸去有藩將欲試之召與飲幃婦人偏室酒酣內敏遽鎗門去敏皇遽大呼排戶乘廐馬逸去

靖難師入金川門門卒龔翊慟哭去之後宣德中翊以好學成名鄉里周文襄兩薦爲學官辭曰卽仕無害但負向來城門一慟耳

明語林卷一 德行

四 碧琳瑯館叢書

東湖樵夫樵浙東臨海間日負薪入市口不二價文皇詔至臨海湖上人相率走縣中聽詔歸語藉藉新皇帝登極矣樵愕然問帝安在曰燒宮自焚矣樵大哭棄所負薪投湖中死

黃叔揚鹹殯父在陂上舊廬御史按部至問曰此有黃給事何在邑中無有知其家者一鄰老引御史舟至陂暮秋刈禾堆積村巷路多泥淖御史乃徒步抵其舍叔揚從廬中對語移時家人欲具雞黍曰豈有居喪割雞禮客者以菜粥對食而別

黃叔揚殉節琴川詔戮其家時親族避匿友人楊福日夜泣琴川橋多方求叔揚尸數日尸忽自立水中福親抱而起成禮葬之屏處亦終身不仕

建文帝出亡尙書徐貞畱之信宿後文皇聞其事逮族誅之一女年十三命屬樂籍樂官陳儀潛然不忍陰匿養之不令玷汚洪熙遇赦儀爲擇配良家

方正學篤於師友宋景濂葬甕州正學自漢中枉道二百里走祭墓所慟哭而返

姚廣孝少與王仲光賓友善姚既貴旋里鳴驕詣仲光

明語林卷一 德行

五 碧琳瑯館叢書

仲光閉戶不納姚曰仲光高士明日徒步造門乃相接坐談既久姚徐勸仲光仕仲光忽茗甌墮地而仆口目俱歛

王璉知寧波府廉潔峭峻一日見魚肉兼饌怒庖設過侈撤而瘞之人號埋羹太守

江南徙豪清郵人黃潤玉年十三詣有司請代其父有司少之對曰父去日益老兒去日益長

楊文定溥鄉試首選胡若思儼實典文衡後若思爲祭酒文定已在禁垣位望益崇終身執門生禮若思亦不

辭人兩高之

王英爲御史時家居邑令盛饌邀英英辭不往一鄰叟適治飯相邀英便往赴或怪問既辭邑令而顧飯鄰叟可乎英曰叟貧治具故自難

上嘗疑楊文敏榮多受邊將馬以問西楊楊極言其無他且稱榮習阨塞險易鹵孽情偽廷臣罕及上曰榮數短汝非義原吉汝去內閣久矣汝顧爲之地耶顏首曰願以容臣者容榮使改過

楊文敏從文皇北征昏迷失道金文靖幼茂胡文穆廣

明語林卷一 德行

六 碧琳瑯館讀書

同行金忽隱馬胡不顧而去文敏下馬爲整轡扶持已稍前復墜鞍盡裂文敏卽推讓所乘而自乘驛騎從夜及曙勞憊勿恤翌午方詣中軍上慰勞之徐問所以嘆嘉其義謝曰僚友誼固然上曰廣詎非僚友耶

陳檢討繼少奉母至孝御史聞而往廉之見檢討方隨母抱甕行灌僮僕甚恭母以壺漿昇之拜而後飲

金聲是金問兄好古嗜學問事之如嚴師嘗病熱劇醫云得螺可治時方盛寒問解衣循河得百枚以進聲病良已

楊鼎在太學有郡守聞鼎賢欲以女妻之鼎以不告父母爲辭守屬其鄉人徐大司馬琦謂祭酒陳敬宗曰鼎情貧而彼富裕父母豈庸見咎敬宗以告鼎曰原憲雖貧於道則富倚頓雖富於道則貧鼎何敢貪富遠媿古人

夏忠靖原吉有謹密文書爲吏所污吏驚懼卽肉袒以俟忠靖叱起袖之明日朝畢至便殿請罪曰臣昨日不謹因風起筆污文奏當死出之懷中上命易之

忠靖嘗撫案嘆息顏色愀然筆欲下而止者再夫人問

明語林卷一 德行

七 碧琳瑯館讀書

之公曰是歲終大辟奏也吾筆一下死生決矣張思齊藩臬山右長子紀徒步省親道於曲沃沃令見其艱苦以一驢送之既見公公怪問驢何自得紀不敢隱具以實告公怒筆紀驅驢還令且切責之

東楊諸子俱有雋才不令習舉業曰毋使與寒士爭進楊仲舉翥成武昌日楊文貞士奇以學官失印流落無

依雨中偶憇仲舉家見仲舉方教童子句讀與之談深相契合仲舉因就文貞授易文貞以無資爲言仲舉卽推館與之而自教授他處往返日十餘里不以爲勞

師司農^遠少孤事母孝年十三母疾危殆思食藤花菜地不嘗有遂急出城廿五里得之歸已二鼓道遇虎遠驚而呼天虎舍之去

況伯律^鍾與平思忠少有交況守蘇州平方釋成家居況數延見平執禮甚恭令二子給侍曰非無僕隸欲使兒輩知君爲吾故人

況伯律守蘇時一吏遺火府治爲燼簿牘靡存及火熄況出坐礪中呼吏痛杖亟自造疏一引爲已咎更不及吏吏初擬必死況聞嘆曰此守事也小吏豈足當此

明語林卷一 德行

八 碧琳現館叢書

柴司馬^車以主事採木道經廣信廣信守與車有舊餽蜜一甕車疑其重發視皆白金車笑曰故人知君君乃不知故人竟不受

陳祭酒^{敬宗}舊宗之政肅若朝廷以是致忿諸生有訟之法司者周文襄^忱勸其申雪代爲屬草詞理展轉公驚曰得無誑君周笑曰律奏事不實耳公曰被誣罪小欺君罪大具實以聞事亦竟白

鄭忠肅^楚義方世篤按察陝西嘗以俸易一褐寄父父移書責之曰汝職刑名不能理冤澤物乃以不義污我

耶後忠肅以父在教職居閒謀於僚友請父入閭衡文父聞之大怒曰朝廷典章爾乃用私干素且汝爲憲司我爲考官何以防範復以書責之忠肅捧書跪誦泣涕受教砥礪終身

楊尚書^翥仁厚絕俗鄰人作室簷溜其家人不能平答曰晴多雨少又鄰人生子恐所乘驢鳴驚之即齎驢步行

仰瞻以理卿家居夏時嘗仕郡學訓導瞻師事之後經其門必下驢趨而過人窺之雖暮夜亦然

明語林卷一 德行

九 碧琳現館叢書

劉忠愍^球事兄甚謹同居舍食始終靡間從弟玘作令莆田奉夏布一疋卽封還貽書戒之曰守清白以光前人此非所望

編脩董璘有時名以母病歸養一日母思鱸時不可得禱於鎮江神命漁者舉網忽得二鮓以歸鄉里異之曹學士^鼎爲太和典史因捕盜獲一女色豔美目而心動輒自書曹鼎不可終夕竟不及亂

石亨陷徐有貞秦川馬士權教授京師慨然不平每持論公卿間亨并收士權錦衣拷掠追訊頗死不承有貞

得免死感馬義許以女婚其子既而有貞負盟馬終不言時論皆重士權而薄有貞

英廟既復辟義景帝欲令汪妃殉葬李文達實曰江妃雖立旋遭幽廢若令從死情所不堪況義景幼女尤可悼念帝惻然從之遷居舊邸又嘗念建庶人久幽掖庭親親之義實所不忍以問文達文達為將順之遷居鳳陽

軒介肅輒初舉進士奉命督淮糧舟行溺水左右挽出之時冬沍寒衣盡濕以被自裹有司送新衣卻之不內

明語林卷一 德行

上 碧琳瑯館叢書

徐待舊衣之乾

謝鳴治鐸蔬食布衣囊無長物稍有餘財周賑宗親方正學殞身滅族沉鬱百年公以鄉人不避忌諱收綴遺

文梓行於世

陳恭愍選旬宣東粵時市舶司韋泰倚貢市為奸公繩以法泰以他事誣公賄公黜吏張聚令誣公欺拷掠瀕死不從既而文致公被逮道死耽上疏訟冤條泰等不法天下壯之

恭愍父負韜亦為御史恭愍既貴唯服先人故衣帶客

至瓦器蔬食相對未嘗有媿色自河東聞喪還行李蕭然惟車一輛而已

王忠肅朝出鎮遼東一中貴持明珠遺之公固讓不得已受之乃自綴於衣領間居數年中貴死其猶子以貧不敢見忠肅使人召之曰何不買宅曰貧不能也忠肅乃解其珠出之衣領間與之值千金買第尚有餘也

吳匏庵寬初歸林下謁親友一業皮工韋布時鄰好也

即步入其門與低坐短簾道故舊甚洽工亦喜謂匏庵

曰與若飲可乎曰諾工乃布酒脯對酌斗室中是日有

明語林卷一 德行

上 碧琳瑯館叢書

貴官設宴候公吏跡得之相與愕然匏庵顧謂吏曰官府酒易故人酒不易吏笑而去

中原西北長幼之禮甚嚴長者語必呼名幼者獻必長

跽雍世隆泰為憲副歸訪其同塾友王生時已棄士

而農遇諸途曰雍泰汝謂貧賤友不予棄約期訪汝

曲問世隆敬諾至期冠帶以俟生布衣襍毳背隻鷄持

瓢酒至據上坐世隆兄事之與飲而別

楊繼宗承芳知嘉興夫人受團卒熟鵝羹首繼宗自外

歸食之徐問所自夫人以告繼宗大恚聲鼓集僚吏告

以不能律家使妻納賄不義因吞皂莢丸吐出之趣吏具舟即日遣妻子歸

羅一峰倫既歸結茅金牛山取給隴畝不受餽遺客晨

至畱飲妻語其子曰瓶粟罄矣轉貸旁舍比舉火日已近午曠然殊不爲意

辭司馬遠厯官四十年家無長物食無兼味室無媵妾

曰吾少事親不足今安忍有餘

太倉王芳守教不殺仁及蟻蟻嘗於旅舍遇慈人費廷

槐相晤語歎爲奇士適廷槐病滯下困頓塵土芳便移

明語林卷一

德行

上

碧琳琅館叢書

至已舍寢食撫護有如同生至便溺狼籍手自掃除廷

槐感涕索筆書曰生平心曲百不一伸天乎已矣埋我

道傍乞書慈谿費廷槐不瞑目之隱語脫而逝不瞑芳

祝曰古今旦暮孰爲彭殤費兄達人而但化耶摩之不

瞑舉其首枕之股拊膺謂曰四海一家誰非兄弟骨肉

弗面命也何恫廷槐喉間書然有聲兩目漸瞑舟載虎

丘稱貸棺歛厝僧寺乃走計其父後舉匱弗前遲芳至

絮酒哭送匱乃舉

吳獻臣廷舉居太學與羅玘善玘病獻臣治藥餌負之

登廁中夜十數反後同玘進士玘語人曰四十年前生

我者父母四十年後生我者獻臣也

鄒汝愚智謫死雷州吳獻臣尹順德經紀其喪會劉忠

宣大夏行部至謁尹何以不迎徐問知所以深嘉嗟異

因共資還其喪獻臣自是知名

明語林卷一

德行

上

碧琳琅館叢書

明語林卷一